



მუშათა და გლეხთა მთავრობის

კანონთა და განკარგულებათა კრებული

სახალხო კომისართა საბჭოს და ეკონომიური საბჭოს
საქმეთა მმართველობის გამოცემა

1936 წ. ქატიკობის 20.

№ 23

ტფილისი,

შ ი ნ ა ა რ ს ი

სახელმწიფო წყობილება.

127. სრულიად საქართველოს საბჭოების მე-
VIII ყრილობის მოწვევის შესახებ.

საადმინისტრაციო დაყოფა.

128. მარტვილის რაიონის და მისი ცენტრის
სოფელ მარტვილის სახელწოდების შეცვლის შე-
სახებ.

სახალხო მეურნეობის ხაერთო საკითხები.

129. 1937 წლისთვის სახალხო-სამეურნო გეგ-
მის შედგენის შესახებ.

130. სახალხო მეურნეობის განსაზღვრადე-
ბული სექტორის ორგანიზაციების მიერ კერძო
პირებისათვის საფინანსო-საღარიბელო საკითხე-
ბზე ანგარიშების შედგენის, ექსპერტიზების, რე-
ვიზიების, გამოკვლევების და კონსულტაციების
ჩატარების სამუშაოთა კერძო პირებისათვის მი-
ცემის აკრძალვის შესახებ.

131. საქართველოს სსრ სახალხო კომისართა
საბჭოსთან არსებული საგამომგონებლო კომიტე-
ტის გაუქმების შესახებ.

მრეწველობა.

132. საქართველოს სსრ-ში კინომრეწველობის
რეორგანიზაციის შესახებ.

მიწის, ტყის და წყლის მეურნეობა. სოფლის მეურნეობა.

133. 1936 წლის შემოდგომის თვისის სახელ-
მწიფო გეგმის შესახებ.

134. ტფილისის საქალაქო საბჭოს შუამდგომ-
ლობის გამო მის გამგებლობაში ბეთანიის სა-
ტყეო აგარაკის გადაცემის შესახებ.

135. მევენახეთა და მეღვინეთა საწარმოო-კოო-
პერაციული კავშირის „უნიონის“ ლიკვიდაციის
შესახებ.

ფინანსები.

136. საქართველოს სსრ საკურორტო აღგი-
ლებში პასპორტების ჩაწერისათვის ერთიანი
სახელმწიფო ბაჟის გადახდევინების წესის შე-
სახებ.

განათლება.

137. საქართველოს სსრ სახალხო კომისართა
საბჭოსთან არსებული, ხელოვნების საქმეთა
სამმართველოს გამგებლობაში მოზარდი მაცუ-
რებლის თეატრებისა და სხვა საბავშვო თეატ-
რების გადაცემის შესახებ.

ჯანმრთელობის დაცვა.

138. საქართველოს სსრ-ში სააფთიაქო საქ-
მის მმართველობის რეორგანიზაციის შესახებ.
სახამართლო წყობილება და სამართლის წარ-
მოება.

139. საქართველოს სსრ-ის იუსტიციის სა-
ხალხო კომისარიატის სისტემიდან საპროკურო-
რო და საგამომძიებლო ორგანოების გამოყოფის
შესახებ.

140. იმ დოკუმენტების ნუსხის დამტკიცების
შესახებ, რომლებითაც გადახდევინება სწარმოებს
სანოტარო ორგანოების სააღსრულებო წარწე-
რების თანახმად.

სახელმწიფო წყობილება

127. დადგენილება ც.ა.კ.

სრულიად საქართველო საბჭოების მე-VIII ყრილობის მოწვევის შესახებ.

სრულიად საქართველოს ცენტრალური აღმასრულებელი კომიტეტი ადგენს:

1. სსრ კავშირის ცენტრალური აღმასრულებელი კომიტეტის 1936 წლის აგვისტოს 2-ის დადგენილების შესაბამისად, მოწვეულ იქნას ა/წ ნოემბრის 15, ქ. ტფილისში სრულიად საქართველოს საბჭოების მე-VIII ყრილობა, სსრ კავშირის საბჭოების მე-VIII საგანგებო ყრილობისათვის დელეგატების ასარჩევად.

2. სსრ კავშირის საბჭოების მე-VII ყრილობის გადაწყვეტილების თანახმად, ხელისუფლების ორგანოები, როგორც წესი, არ იქნან გადარჩეული. განიმარტოს, რომ დელეგატებს საბჭოების სარაიონო ყრილობებისათვის ირჩევენ საქალაქო, სასოფლო და სადაბო საბჭოების არსებული პლენუმები.

3. აფხაზეთის ასსრ-ის, აჭარის ასსრ-ის და სამხრეთ-ოსეთის ავტ. ოლქის საბჭოების ყრილობები და აგრეთვე ტფილისის, ქუთაისის და ფოთის საქალაქო საბჭოების პლენუმები ჩატარებულ იქნას 1936 წლის 1-ლ ნოემბრიდან 10-ნოემბრამდე. ამავე ვადაზე ჩატარებულ იქნას საქართველოს საბჭოების ყველა სარაიონო ყრილობა.

4. განიმარტოს, რომ აფხაზეთის ასსრ, აჭარის ასსრ და სამხრეთ-ოსეთის ავტ. ოლქის საბჭოების ყრილობებზე აირჩევიან დელეგატები როგორც სსრ კავშირის საბჭოების მე-VIII საგანგებო ყრილობისათვის, ისე სრულიად საქართველოს საბჭოების მე-VIII ყრილობისათვის.

5. დელეგატები სრულიად საქართველოს საბჭოების მე-VIII ყრილობისათვის აირჩევიან საქართველოს სსრ-ის მოქმედი კონსტიტუციის 23 მუხლით დაწესებული ნორმების მიხედვით.

6. სრულიად საქართველოს საბჭოების მე-8 ყრილობის მოწვევის ჩასატარებლად სრულიად საქართველოს ცენტრალური აღმასრულებელი კომიტეტის პრეზიდიუმთან დაარსებულ იქნას ცენტრალური კომისია შემდეგი შემადგენლობით: ამხ. თ. ჟღენტი (კომისიის თავმჯდომარე), ვ. ბაქრაძე, ს. მერკულოვი, ნ. ლაკობა, ზ. ლორთქიფანიძე, ი. ჯიჯოევი, მ. ნიორაძე, მ. გობეჩია, ა. მგელაძე, გ. სტურუა, მ. ტოროშელიძე, ა. რამიშვილი, ს. ბუაჩიძე.

სრ. საქ. ც.ა.კ-ის თავმჯდომარე ფ. მაზარაძე.

სრ. საქ. ც.ა.კ-ის მდივანი თ. ჟღენტი.

1936 წ. აგვისტოს 21. № 162.

ტფილისი.

გამოქვეყნებულია გაზ. „კომუნისტის“ 194 №-ში 1936 წ. აგვისტოს 22.



საადმინისტრაციო დაჯოჯა

128. დადგენილება ც. ა. კ.

მარტვილის რაიონის და მისი ცენტრის სოფელ მარტვილის სახელწოდების შეცვლის შესახებ.

სრულიად საქართველოს ცენტრალური აღმასრულებელი კომიტეტის პრეზიდიუმი ადგენს:

სსრ კავშირის ცენტრალური აღმასრულებელი კომიტეტის 1936 წ. ივლისის 8-ის დადგენილების შესაბამისად, მარტვილის რაიონს და მის ცენტრს სოფელ მარტვილს შეეცვალოს სახელწოდება და ეწოდოს გეგეჭკორის რაიონი და სოფელი გეგეჭკორი.

სრ. საქ. ც.ა.კ-ის თავმჯდომარე ფ. მახარაძე.

სრ. საქ. ც.ა.კ-ის მდივანი თ. ჟღენტი.

1936 წ. აგვისტოს 3. № 160.
ტფილისი.

გამოქვეყნებულია გაზ. „კომუნისტის“ 181 №-ში 1936 წ. აგვისტოს 6.

სახალხო მეურნეობის საერთო საკითხები

129. დადგენილება ს.კ.ს.

1937 წლისთვის სახალხო-სამეურნეო გეგმის შედგენის შესახებ.

„1937 წლის სახალხო-სამეურნეო გეგმის საკონტროლო ციფრების შესახებ“ გამოცემული, სსრ კავშირის სახალხო კომისართა საბჭოს და სრულიად საკავშირო კომუნისტური პარტიის (ბ) ცენტრალური კომიტეტის 1936 წ. ივლისის 19-ის დადგენილების შესაბამისად, საქართველოს სსრ სახალხო კომისართა საბჭო ადგენს:

1. დაევალოს რესპუბლიკანურ სახალხო კომისარიატებს, ორგანიზაციებს და ავტონომიური რესპუბლიკებისა და ავტონომიური ოლქის ცენტრალურ აღმასრულებელ კომიტეტებს:

ა) წარუდგინონ საქართველოს სსრ სახელმწიფო საგეგმო კომისიას არა უგვიანეს ა/წ. სექტემბრის 5-ისა რესპუბლიკანური და ადგილობრივი ქვემდებარეობის მეურნეობის დარგთა განვითარების გეგმები 1937 წლისთვის, განმარტებითი წერილებით და ტექნიკური-ეკონომიური დასაბუთებით, ხოლო საფინანსო გეგმები—საქართველოს სსრ ფინანსთა სახალხო კომისარიატს და სახელმწიფო საგეგმო კომისიას არა უგვიანეს ა/წ. სექტემბრის 10-ისა;



ბ) წარუდგინონ საქართველოს სსრ სახელმწიფო საგეგმო კომისიას უგვიანეს ა/წ. სექტემბრის 10-ისა საკავშირო ორგანიზაციების მიერ დამტკიცებული ლიმიტების სრული შესაბამისობით შემუშავებული განაცხადები ფონდირებულ ნედლეულზე, მასალაზე, გაწყობილობაზე და სათბობზე 1937 წლისთვის;

გ) ავტონომიური რესპუბლიკებისა და ავტონომიური ოლქის ცენტრალურმა აღმასრულებელმა კომიტეტებმა წარუდგინონ საქართველოს სსრ ფინანსთა სახალხო კომისარიატს არა უგვიანეს ა/წ. სექტემბრის 10-ისა ადგილობრივი ბიუჯეტის 1937 წლის საკონტროლო ციფრების პროექტები.

2. დაევალოს სარაიონო აღმასრულებელ კომიტეტებს—წარუდგინონ სათანადო სახალხო კომისარიატებს და საქართველოს სსრ სახელმწიფო საგეგმო კომისიას არა უგვიანეს ა/წ. სექტემბრის 1-ისა ადგილობრივი მეურნეობის განვითარების გეგმები 1937 წლისათვის.

3. დაევალოს საქართველოს სსრ ტერიტორიაზე მყოფ საკავშირო ორგანიზაციებს და საწარმოთ—წარუდგინონ საქართველოს სსრ სახელმწიფო საგეგმო კომისიას არა უგვიანეს ა/წ. სექტემბრის 8-ისა საკავშირო სახალხო კომისარიატებსა და უწყებებში წარდგენილი გეგმების ასლები.

4. წინადადება მიეცეს საქართველოს სსრ სახელმწიფო საგეგმო კომისიას—წარმოუდგინოს საქართველოს სსრ სახალხო კომისართა საბჭოს არა უგვიანეს ა/წ. სექტემბრის 15-ისა სახალხო მეურნეობის ყველა დარგის განვითარების გეგმის პროექტი მშენებლობის სატიტულო სიებითურთ.

5. წინადადება მიეცეს საქართველოს სსრ ფინანსთა სახალხო კომისარიატს—წარმოუდგინოს საქართველოს სსრ სახალხო კომისართა საბჭოს არა უგვიანეს ა/წ. სექტემბრის 15-ისა 1937 წლის ერთიანი სახელმწიფო ბიუჯეტის საკონტროლო ციფრების პროექტი.

6. დაევალოს საქართველოს სსრ შინავაჭრობის სახალხო კომისარიატს, „ცეკავშირს“ და ყველა მოვაჭრე ორგანიზაციას—წარუდგინონ საქართველოს სსრ სახელმწიფო საგეგმო კომისიას არა უგვიანეს ა/წ. სექტემბრის 10-ისა საქონელთბრუნვის გეგმა 1937 წლისათვის.

7. დაევალოს ყველა უწყებას და ორგანიზაციას—შეადგინოს 1937 წლისათვის კაპიტალური მშენებლობის გეგმები ისე, რომ ანგარიშში მიღებულ იქნას მშენებლობის ღირებულების უკვე დანიშნული შემცირება (12% 1935 წლის სახარჯთაღრიცხვო ღირებულებასთან შედარებით) როგორც დარგების მიხედვით, ისე ლიდერენცირებული თვითფული ობიექტისათვის.

8. წინადადება მიეცეს საქართველოს სსრ სახელმწიფო საგეგმო კომისიას—შეიტანოს 1937 წლის გეგმებში მშენებლობის ის ობიექტები, რომლებსაც აქვთ დამტკიცებული ტექნიკური პროექტები და ხარჯთაღრიცხვები, და ის ობიექტები, რომელთა პროექტები და ხარჯთაღრიცხვები დამტკიცებულ იქნება არა უგვიანეს 1936 წ. დეკემბრის 1-ისა.

9. დაევალოს სახალხო კომისარიატებსა და ორგანიზაციებს—შეიმუშაონ 1937 წლის გეგმები სსრ კავშირის სახელმწიფო საგეგმო კომისიის ფორმების მიხედვით მაჩვენებელთა სრული მოცულობით.

წინადადება მიეცეს საქართველოს სსრ სახელმწიფო საგეგმო კომისიას— მიაწოდოს ვისაც ჯერ არს გეგმის აღნიშნული ფორმები და მაჩვენებლები ა/წ. აგვისტოს 15-მდე.

საქ. სსრ. ს. კ. ს-ოს თავმჯდომარე გ. მგალობლიშვილი.

საქ. სსრ ს. კ. ს-ოს საქმეთა მმართველი გ. კვიციანიძე.

1936 წ. აგვისტოს 9. № 964.

ტფილისი.

130. დადგენილება ს. კ. ს.

სახალხო მეურნეობის განსაზოგადოებულ სექტორის ორგანიზაციების მიერ კერძო პირებისათვის საფინანსო-სააღრიცხვო საკითხებზე ანგარიშების შედგენის, ექსპერტიზების, რევიზიების, გამოკვლევების და კონსულტაციების ჩატარების სამუშაოთა კერძო პირებისათვის მიცემის აკრძალვის შესახებ.

სახელმწიფო, სამეურნეო და საზოგადოებრივი ორგანიზაციებისათვის დახმარების გასაწევად სამუდამოდ ანგარიშების და აღრიცხვის წესიერად დაყენების მოგვარებისა, სოციალისტური საკუთრების გატაცებასთან ბრძოლისა, სამეურნეო და სასამართლო-საარბიტრაჟო საქმეებზე მალახარისხოვანი ექსპერტიზის და კონსულტაციის მოწყობის საქმეში, აგრეთვე კერძო პირებისათვის სარევიზიო და სხვა გამოკვლევების გადაცემის პრაქტიკის აღმოსაფხვრელად, საქართველოს სსრ სახალხო კომისართა საბჭო ადგენს:

1. აკრძალოს ყველა სახელმწიფო, სამეურნეო და საზოგადოებრივ ორგანიზაციას კერძო პირებისათვის საფინანსო-სააღრიცხვო საკითხებზე ანგარიშების შედგენისა და ექსპერტიზების, რევიზიების, გამოკვლევების და კონსულტაციების ჩატარების სამუშაოთა გადაცემა.

2. წინადადება მიეცეს აღნიშნულ ორგანიზაციებს, თუ საჭირო იქნება, 1-ლ მუხლში ჩამოთვლილი ყველა სამუშაო გადასცეს საქართველოს სსრ პროკურატურასთან არსებულ სასამართლო-საბუხვალტერო ექსპერტიზისა და კონსულტაციის ბიუროს სახელმეკრულებო საფუძვლებზე.

3. წინადადება მიეცეს საქართველოს სსრ პროკურორს, საქართველოს სსრ ფინანსთა სახალხო კომისარიატთან ერთად, შეიმუშაოს და დაამტკიცოს სასამართლო-საბუხვალტერო ექსპერტიზის ბიუროსათვის გადასაცემი სამუშაოების ნიხრი.



4. დაეკისროს საქართველოს სსრ სახელმწიფო პროკურატურის ორგანიზაციებს—გაუწიონ მეთვალყურეობა განსაზოგადოებული სექტორის ორგანიზაციების მიერ ამა დადგენილების ასრულებას.

საქ. სსრ ს.კ.ს-ოს თავმჯდომარე გ. შვალაბლიშვილი.

საქ. სსრ ს.კ.ს-ოს საქმეთა მმართველის მოადგ. ს. მებუჯე.

1936 წ. ივლისის 31. № 903-ა.

ტიფლისი.

131. დადგენილება ს.კ.ს.

საქართველოს სსრ სახალხო კომისართა საბჭოსთან არსებული საგამომგონებლო კომიტეტის გაუქმების შესახებ.

„საგამომგონებლო საქმის ხელმძღვანელობის რეორგანიზაციის შესახებ“ გამოცემული, სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1936 წ. ივლისის 22-ის დადგენილების შესაბამისად (სსრკ. ცენ. აღმ. კ-ტის „იზვესტიას“ 170 №-ი 1936 წ. ივლისის 23-ისა; (სსრკ კან. კრ. 1936 წ. № 39, მუხ. 334), საქართველოს სსრ სახალხო კომისართა საბჭო ადგენს:

1. საქართველოს სსრ სახალხო კომისართა საბჭოსთან არსებული საგამომგონებლო კომიტეტი გაუქმებულ იქნას.

2. პასუხისმგებლობა საუწყებო სახალხო მეურნეობის დარგებში გამოგონებათა და ტექნიკურ გაუმჯობესებათა აღრიცხვის, დამუშავებისა და შთანერგვის მდგომარეობისათვის დაეკისროს საქართველოს სსრ სათანადო სახალხო კომისარიატებსა და ცენტრალურ დაწესებულებებს.

საქართველოს სსრ სახალხო მეურნეობის რესპუბლიკანურ დარგებში უმნიშვნელოვანეს გამოგონებათა და გაუმჯობესებათა შთანერგვის საკითხების დაგეგმვა დაეკისროს საქართველოს სსრ სახელმწიფო საეგგმო კომისიას.

3. საგამომგონებლო კომიტეტთან არსებული გამომცემლობა გადაეცეს 1936 წ. აგვისტოს 1-ის ბალანსის თანახმად აქტივით და პასივით აღვილობრივი მრეწველობის სახალხო კომისარიატის გამომცემლობა „ტექნიკა და შრომა“.

საგამომგონებლო კომიტეტის მიმდინარე საქმეები, ბიბლიოთეკა, არქივი და ქონება გადაეცეს საქართველოს სსრ სახელმწიფო საეგგმო კომისიას.

4. საგამომგონებლო კომიტეტის გაუქმების გამო განთავისუფლებული საშტატო ერთეულები და სამუშაო ხელფასის ფონდი, აგრეთვე საქართველოს სსრ სახელმწიფო ბიუჯეტიდან გადადებული ასიგნებები, რაც გამოუყენებელი რჩება, გადაეცეს საქართველოს სსრ სახელმწიფო სიეგგმო კომისიას.

5. წინადადება მიეცეს აფხაზეთის ასსრ და აჭარის ასსრ ცენტრალურ აღმასრულებელ კომიტეტებს—გააუქმონ მათთან არსებული საგამომგონებლო კომიტეტები.

6. საქართველოს სსრ სახალხო კომისართა საბჭოს 1933 წ. მარტის 23-ის დადგენილებით დამტკიცებული დროებითი დებულება საქართველოს სსრ სახალხო კომისართა საბჭოსთან არსებული საგამომგონებლო კომიტეტის შესახებ (საქ. სსრ. კან. კრ. 1933 წ. მე-10 №-ი, მუხ. 127) გაუქმებულ იქნას.

საქ. სსრ ს.კ.ს-ის თავმჯდომარე გ. მგალობლიშვილი.

საქ. სსრ ს.კ.ს-ოს საქმეთა მმართველი ვ. კვირიკაძე.

1936 წ. აგვისტოს 14. № 981.

ტფილისი.

მ რ ე წ ვ ე ლ ო ბ ა

132. დადგენილება ს. კ. ს.

საქართველოს სსრ-ში კინომრეწველობის რეორგანიზაციის შესახებ.

საქართველოს სსრ სახალხო კომისართა საბჭო ადგენს:

1. საქართველოს სსრ კინო-ფოტო-მრეწველობის სამმართველო გადაკეთებულ იქნას საქართველოს სსრ კინომრეწველობის სახელმწიფო შენაერთად (შემოკლებული სახელწოდებით „საქკინმრეწვი“), რომელიც იმყოფება საქართველოს სსრ სახალხო კომისართა საბჭოსთან არსებული, ხელოვნების საქმეთა სამმართველოს გამგებლობაში.

აღნიშნული სახელმწიფო შენაერთის შედგენილობაში ჩართულ იქნან სამეურნეო ანგარიშის საფუძველზე მოქმედი და იურიდიული პირის უფლებების მქონე შემდეგი წამოწყებანი:

ა) სამხატვრო, სამეცნიერო, სასწავლო და სატექნიკო ფილმების წარმოების კინო-სტუდია;

ბ) კინო-კოპირების ფაბრიკა;

გ) კინოფიკაციისა და ფილმების გავრცელების კონტორა (შემოკლებული სახელწოდებით „საქკინ“);

დ) კინო-ქრონიკის წარმოების ბიურო („საქკინოქრონიკის“ სახელწოდებით).

2. დაეკისროს საქართველოს სსრ სახალხო კომისართა საბჭოსთან არსებულ, ხელოვნების საქმეთა სამმართველოს შემდეგი ძირითადი ფუნქციები საქართველოს სსრ სახელმწიფო კინომრეწველობის მიმართ:

ა) საქართველოს სსრ კინომრეწველობის სახელმწიფო შენაერთის („საქკინმრეწვის“) და მასში შემავალ წამოწყებათა მუშაობის დაგეგმვა (წლიური და კვარტალური გეგმების დამტკიცება);

ბ) „სახკინმრეწვის“ და მასში შემაჯავალ წამოწყებათა საქმიანობისათვის ხელმძღვანელობისა და მუშაობისათვის კონტროლის გაწევა;

გ) „სახკინმრეწვის“ მიერ გამოსაშვები თვითეული კინოფილმის სცენარების დამტკიცება, მეტრაჟის და სახარჯთაღრიცხვო ღირებულების განსაზღვრა.

3. წინადადება მიეცეს საქართველოს სსრ ხელოვნების საქმეთა სამმართველოს:

ა) დაამტკიცოს ორი დეკადის ვადაზე საქართველოს სსრ კინომრეწველობის სახელმწიფო შენაერთის („სახკინმრეწვის“) წესდება და მის შედგენილობაში შემაჯავალ წამოწყებათა წესდებანი და განსაზღვროს, საქართველოს სსრ ფინანსთა სახალხო კომისარიატთან შეთანხმებით, მათი საწესდებო კაპიტალების რაოდენობა;

ბ) გაანაწილოს იმავე ვადაზე, საქართველოს სსრ ფინანსთა სახალხო კომისარიატთან შეთანხმებით, საბრუნავი სახსარი „სახკინმრეწვისა“ და მის შედგენილობაში შემაჯავალ წამოწყებათა შორის;

გ) დაამტკიცოს საშტატო კონტინგენტებისა და 1936 წელს საქართველოს სსრ კინომრეწველობისათვის განსაზღვრული სამუშაო ხელფასის ფონდის ფარგლებში „სახკინმრეწვისა“ და მის შედგენილობაში შემაჯავალ წამოწყებათა შტატები.

4. გაუქმებულ იქნას:

ა) საქართველოს სსრ სახალხო კომისართა საბჭოს 1933 წ. ნოემბრის 26-ის დადგენილებით დამტკიცებული „დებულება საქართველოს სსრ სახალხო კომისართა საბჭოსთან არსებული, კინო-ფოტო მრეწველობის სამმართველოს შესახებ“ (საქ. სსრ კან. კრ. 1934 წ. 1-ლი №-ი მუხ. 13);

ბ) საქართველოს სსრ სახალხო კომისართა საბჭოს 1933 წ. ნოემბრის 26-ის დადგენილება „საქართველოს სსრ კინო-ფოტო-მრეწველობის სამმართველოსთან საქართველოს ფოტო-მრეწველობის რესპუბლიკანური კონტორის „საქ-ფოტოს“ მოწყობის შესახებ“ (საქ. სსრ. კან. კრ. 1934 წ. 1-ლი №-ი, მუხ. 14);

გ) საქართველოს სსრ სახალხო კომისართა საბჭოს 1934 წ. აპრილის 4-ის დადგენილება „საქართველოს სსრ კინო-ფოტო-მრეწველობის სამმართველოს რეორგანიზაციის შესახებ“ (საქ. სსრ კან. კრ. 1934 წ. მე-10 №-ი, მუხ. 100).

საქ. სსრ ს.კ.ს-ოს თავმჯდომარე გ. მაგლოზიშვილი.

საქ. სსრ ს. კ. ს-ოს საქმეთა მმართველი ვ. კვირიკაძე.

მიწის, ტყის და წყლის მეურნეობა. სოფლის მეურნეობა.

133. დადგენილება ს.კ.ს. და ს.კ.კ. (ბ) ც.კ.

1936 წლის შემოდგომის თესვის სახელმწიფო გეგმის შესახებ.

საქართველოს სსრ სახალხო კომისართა საბჭო და საქართველოს კომუნისტური პარტიის (ბ) ცენტრალური კომიტეტი ადგენენ:

1. დამტკიცებულ იქნას საბჭოთა მეურნეობებსა, კოლექტიურ მეურნეობებსა და ერთბირიფენულ მეურნეობებში სამარცვლეულო და საბოსტნე კულტურების საშემოდგომო თესვის შემდეგი გეგმა (ჰექტარობით):

[იხ. ცხრილი №60 გვ.]

2. შემოდგომის თესვის რაიონებსა და სექტორებზე განაწილების გეგმა დამტკიცებულ იქნას.

3. დაევალოს სარაიონო სამიწათმოქმედო განყოფილებებს და სამანქანო-სატრაქტორო სადგურებს იმ კოლმეურნეობებში, სადაც დადგენილია თესლობრუნვა, შემოდგომის თესვისა და მძრალად ხვნის გეგმა განსაზღვრონ მიღებული თესლობრუნვისა და მასზე გადასვლის გეგმის შესაბამისად.

4. ნაბურალის (ნაწვერალის), ნასენი სახნავის და საშემოდგომო კულტურების დასათესად დანიშნული ნაბალახარი (ნათესი) მიწების თესვა დამთავრებულ იქნას 20 დღით ადრე თესვამდე.

5. დაევალოს სარაიონო სამიწათმოქმედო განყოფილებებს და სამანქანო-სატრაქტორო სადგურებს—დაამთავრონ სექტემბრის 1-თვის ნასენის გადახვნა და მთლად გაასუფთაონ იგი სარეველისაგან. ყველა რაიონში ჩატარებულ იქნას ნიადაგის გულდასმით თესვისწინა დამუშავება (გადახვნა, აოშვა, კულტივაცია და ფარცხვა).

6. სარაიონო აღმასრულებელმა კომიტეტებმა უზრუნველყონ გულდასმით განმზადებული ნაკვეთების გამოყოფა საკვები ბალახის დასათესად და ბალახის თესვა დამთავრონ საქართველოს სსრ მიწათმოქმედების სახალხო კომისარიატის მიერ განსაზღვრულ ვადებზე.

7. ბრიგადირ-მემინდვრეებისაგან ნიადაგის თესვისწინა დამუშავებისა და თესვის სამუშაოების თვისებრივი მიღება დაეკისროს: კოლმეურნეობებში—კოლმეურნეობათა თავმჯდომარეებს, ხოლო საბჭოთა მეურნეობებში—უფროს აგრონომებსა და განყოფილებათა გამგეებს.

8. რაიონებში საშემოდგომო კულტურების თესვის დამთავრების ზღვრული ვადები განისაზღვროს:

ა) ახალქალაქის, ბოგდანოვკისა და წალკის რაიონებში—ოქტომბრის 5;

ბ) ახალციხის, ადიგენის, ასპინძის, ბორჯომის, ტფილისის, დუშეთის, თიანეთის, აღბულახის, სავარეჯოს, ბაშკიჩეთისა და ონის რაიონებში და სამხრეთ-ოსეთის ავტ. ოლქში—ოქტომბრის 15;



	მ ა რ ც ე ლ ე უ ლ ი				საქონლის სა- ცემები ბალახში	ბოსტნები	ს მ შ
	ხორბალი	ქერი	კვავი	სულ მარც- ვლელული			
1. კოლმეურნეობებში	215.630	16.230	3.550	235.410	3.160	1.260	239.830
აქედან:							
კოლმეურნეობებში, რომელთაც მო- მსახურეობას უწევენ სამანქანო-სა- ტრაქტორო სადგურები	175.120	13.780	2.000	190.900	2.690	1.240	194.830
კოლმეურნეობებში, რომელთაც სა- მანქანო-სატრაქტორო სადგურები მომსახურეობას არ უწევენ	40.510	2.450	1.550	44.510	470	20	45.000
2. ერთპიროვნულ მეურნეობებში	40.000	4.300	200	44.500	250	1.040	45.790
სულ კოლმეურნეობებსა და ერთპი- როვნულ მეურნეობებში	255.630	20.530	3.750	279.910	3.410	2.300	285.620
3. ყველა სისტემის საბჭოთა მეურნეობებში	4.350	9.520	—	7.870	550	—	8.420
აქედან:							
მიწათმოქმედების სახალხო კომისა- რიატის სისტემის საბჭოთა მეურნე- ობებში	4.330	3.340	—	7.670	550	—	8.220
მთლად	259.980	24.050	3.750	287.780	3.960	2 300	294.040

გ) გურჯაანის, სიონლის, თელავის, ყვარლის, ლაგოდეხის, ხაშურის, გორის, კასპის, ყარაიის, ლუქსემბურგის, ბორჩალოს, ამბროლაურის, ცაგერის, კიათურის და სამტრედიის რაიონებში—ოქტომბრის 25.

9. სამხრეთ-ოსეთის ცენტრალურმა აღმასრულებელმა კომიტეტმა და სარაიონო აღმასრულებელმა კომიტეტებმა დაადიფერენციონ, ამა დადგენილების მე-8 მუხლით დადგენილ ფარგლებში, თესვის დამთავრების ვადები ცალკეულ ზონებზე და სასოფლო საბჭოებზე, რისთვისაც მხედველობაში მიღებულ უნდა იქნას თვითეული მასივის თავისებურებანი; ამასთანავე, პირველ რიგში უნდა დაითესოს ნასვენი და ნაპურალი (ნაწვერალი). საშემოდგომო მარცვლეული კულტურებისა და ბალახის თესვა თვითეულ საბჭოთა მეურნეობაში და კოლმეურნეობაში ჩატარებულ იქნას არა უმეტეს, ვიდრე 7—10 სამუშაო დღეში.

10. სამხრეთ-ოსეთის ავტ. ოლქის ცენტრალურმა აღმასრულებელმა კომიტეტმა და საქართველოს კომუნისტური პარტიის (ბ) საოლქო კომიტეტმა, სარაიონო აღმასრულებელმა კომიტეტებმა და საქართველოს კომუნისტური პარტიის (ბ) რაიონულმა კომიტეტებმა დააწესონ განთესვის დიფერენცირებული ნორმები, რაც უნდა უზრუნველყოფდეს ნათესის საკირო სიხშირეს.

განთესვის დიფერენცირებული ნორმების განსაზღვრის დროს მხედველობაში მიღებულ უნდა იქნას თესლის ჯიში და ხარისხი, ნიადაგისა და კლიმატური პირობები, ნიადაგის დამუშავება, თესვის ვადები, შემოდგომის თესვის წინ ნათესი კულტურები და თესვის ხერხი (მწკრივადი თუ გაფანტული თესვა).

11. დაევალოს კოლმეურნეობების თავმჯდომარეებს და საბჭოთა მეურნეობების დირექტორებს: ა) გასცენ სათესლე მარცვლეული სათესი ფართობისა და განთესვისათვის დადგენილი ნორმის სრული შესაბამობით; ბ) თესლი გასცენ მარტოდენ აწონვით; გ) დააწესონ კონტროლი თესლის დანიშნულებისამებრ გამოყენებისათვის.

12. მწკრივადი თესვის გეგმა განისაზღვროს: კოლმეურნეობებში—63.000 ჰექტარის ფართობით; აქედან: სამანქანო-სატრაქტორო სადგურების ტრაქტორებით—34.300 ჰექტ. საბჭოთა მეურნეობებში მწკრივადი თესვა უზრუნველყოფილ იქნას მთლად სათეს ფართობზე.

13. განისაზღვროს კოლმეურნეობებში სათესლე ფონდების დაგროვება შემდეგი რაოდენობით: საშემოდგომო ხორბალი—363.375 ცენტნერით; საშემოდგომო ქერი—29.269 ცენტნერით; საშემოდგომო ჭვავი—5.720 ცენტნერით; საგაზაფხულო ხორბალი—55.810 ცენტნერით; საგაზაფხულო ქერი—102.749 ცენტნერით; ასლი—8.614 ცენტნერით; შვრია—2.178 ცენტნერით; ფეტვი—1.570 ცენტნერით; საშემოდგომო ცერცველა—4.630 ცენტნერით; საგაზაფხულო ცერცველა—27.330 ცენტნერით; მუხუდო (ბარდა)—15.970 ცენტნერით და ოსპი—2.730 ცენტნერით.

კოლმეურნეობებში სათესლე ფონდი უნდა დაგროვდეს ხარისხივანი მარცვლეულით სათესლე ნაკვეთებიდან. სხვა მარცვლეულის დაგროვება შეიძლება მხოლოდ იმ შემთხვევაში, როდესაც სათესლე ნაკვეთებზე მოგროვილი მარც-

ვლელის ვერ უზრუნველყოფს სათესლე ფონდების დაგროვებისათვის განსაზღვრულ გეგმას.

სათესლე ფონდების დაგროვების დამთავრების ვადა განისაზღვროს თავთავიანი კულტურებისათვის სექტემბრის 15-ით.

14. უზრუნველყოფილ იქნას ყველა კოლმეურნეობაში მარცვლელის კულტურების თესლის ხელუხლებელი, ყოველ წელს განსაზღვრული სადაზღვეო ფონდის დაგროვება წლიური მოთხოვნების 10—15%-ის რაოდენობით, რისთვისაც გამოყენებულ იქნას კოლმეურნეობებში გამოყოფილ სათეს ნაკვეთებზე მოგროვილი მარცვლელი.

15. ჩატარებულ იქნას აუცილებლად მთელი სათესლე მასალის დანიავება და დახარისხება, ისე, რომ მრავალჯერ დატრიალებით მიღწეულ იქნას თესლის მაღალი კონდიციობა.

16. ჩატარებულ იქნას აუცილებლად მარცვლელი და საკვები კულტურების სათესლე მასალის თვისებრივი შემოწმება სათესლე-საკონტროლო ლაბორატორიებში ყველა საბჭოთა მეურნეობასა და კოლმეურნეობაში. თესლის ნიმუშების გადარჩევა ანალიზისათვის დაეკისროს კოლმეურნეობებში აგრონომებს, კოლმეურნეობის თავმჯდომარის თანადასწრებით და სათანადო აქტის შედგენით. მარცვლელი კულტურების თესლი 90%-ზე დაბალი ამოსვლათანობით არ იქნას სრულიად თესვისთვის გამოყენებული და იგი უნდა გადაიცვალოს საკონდიციო თესლზე. ამოსვლათანობით და სიწმინდით საკონდიციო, ხოლო სასოფლო-სამეურნეო ვარგისობით 100%-ზე დაბალი სათესი მასალის განთესვის ნორმა ვადიდებულ იქნას ვარგისობის დანაკლი პროცენტით. სათესლე მასალის თვისებრივი შემოწმება დამთავრებულ იქნას 20 დღით ადრე თესვის დაწყებამდე.

17. აიკრძალოს შეუწამლველი თესლის თესვა. თესლი შეიწამლოს იმის შემდეგ, რაც გამოირკვევა მისი სათესლედ ვარგისობა, აგრონომის ხელმძღვანელობით და აუცილებლად შეუწამლვის აქტის შედგენით, რასაც ხელს მოაწერენ აგრონომი, კოლმეურნეობის თავმჯდომარე და საბჭოთა მეურნეობის დირექტორი.

18. გეგმა კოლმეურნეობებში საშემოდგომო ხორბლის თესვისა წმინდა ჯიშისანი თესლით განისაზღვროს 106.044 ჰექტარის, ფართობით; აქედან სახეიშფონდის ნათესი—5.300 ჰექტ. დამტკიცებულ იქნას გეგმა საშემოდგომო ხორბლის თესვისა ცალკეული ჯიშების მიხედვით: კოპერატორკა—71.763 ჰექტ., უკრაინკა—27.957 ჰექტ., აპულიკუმი—4.714 ჰექტ., გაუმჯობესებული დოლისპური—1.610 ჰექტ..

19. დაევალოს სამხრეთ-ოსეთის ავტ. ოლქის ცენტრალურ აღმასრულებელ კომიტეტს და საქართველოს კომუნისტური პარტიის (ბ) საოლქო კომიტეტს, სარაიონო აღმასრულებელ კომიტეტებსა და საქართველოს კომუნისტური პარტიის (ბ) რაიონულ კომიტეტებს—უზრუნველყონ თვითეულ კოლმეურნეობასა და საბჭოთა მეურნეობაში სათესლე ნაკვეთების გამოყოფა საშემოდგომო ხორ-

ბლის, საშემოდგომო ქერის, ქვავისა და ბალახის თესვისათვის ჯიშისანი და დადარჩეული გაუშვობესებული ადგილობრივი თესლით. დაწესდეს, რომ თესვისათვის გამოყოფილი ნაკვეთების ოდენობა უნდა შეადგენდეს საშემოდგომო ხორბლისა და ქვავისათვის ამ კულტურების სათესი ფართობის 12% -ს, ხოლო ქერისათვის 13% -ს.

20. სათესლე ნაკვეთებისათვის მიჩენილ იქნას: ა) გულდასმით დამუშავებული ნასვენის ფართობი; ბ) სათონი კულტურებისათვის მრავალჯერ და გულდასმით დამუშავებული მიწები; გ) ნაბალახარი (ერაწლიანი) ფართობი, რომელიც, ბალახის აღებისას, ზაფხულში ღრმად იქნა მოხნული.

21. ჩატარებულ იქნას მთლად კოლმეურნეობების საბჭოთა მეურნეობებისა და ერთპიროვნული მეურნეობების ფართობზე (სახნავი, საძოვარი, სათიბი) იმის გამოკვლევა, თუ რამდენად არის მოდებული მინდვრის თავი, და ჩატარებულ იქნას ბრძოლა მასთან მთლად თავგმოდებულ ფართობზე მის სრულ ლიკვიდაციამდე. თავგმოდებულობის გამოკვლევა და ბრძოლა მასთან დამთავრებულ იქნას ოქტომბრის 1-თვის.

22. საკოლმეურნეო მინდვრებში ა/წ. შემოდგომაზე ნაკელის შეტანის გეგმა განისაზღვროს 457.000 საზიდავის რაოდენობით.

23. საბჭოთა მეურნეობებისაგან ჩამონაჭერი მიწებით კოლმეურნეობების მიწათსარგებლობის გაფართოების გამო—1936 წელს მძრალად მოხენის გეგმა 1937 წლის სავაზაფხულო ნათესისათვის განისაზღვროს 260.300 ჰექტარით; აქედან საბჭოთა მეურნეობებში—5.600 ჰექტ., კოლმეურნეობებში—239.700 ჰექტ. (აქედან იმ კოლმეურნეობებში, რომელთაც მომსახურებას სამანქანო-სატრაქტორო სადგურები უწყვენ, —199.700 ჰექტ.) და ერთპიროვნულ მეურნეობებში—15.000 ჰექტ. საქართველოს სსრ მიწათმოქმედების სახალხო კომისარიატმა სამი დღის ვადაზე მიაწვდინოს რაიონებამდე ახალი დავალებანი კოლმეურნეობათა მიწათსარგებლობის მიმდინარე გაფართოების სრული შესაბამობით.

24. სარაიონო აღმასრულებელმა კომიტეტებმა უზრუნველყონ ღრმა მძრალად ნახნავით შაქრის ქარხლის მთელი ნათესი და სავსებით უზრუნველყონ მძრალად ნახნავით ბამბის, თამბაქოს და სხვა ტექნიკური კულტურების ნათესები. ბამბის ნათესისათვის მძრალად ნახნავის გეგმა განისაზღვროს 4.000 ჰექტარით, შაქრის ქარხლისა—5.000 ჰექტარით და თამბაქოს—9.240 ჰექტარით.

25. დაევალოს სარაიონო სამიწათმოქმედო განყოფილებებს, საბჭოთა მეურნეობებისა და სამანქანო-სატრაქტორო სადგურების დირექტორებს და კოლმეურნეობების ვაგეკობებს—მოაწყონ კონტროლი მძრალად მოხენის სამუშაოების თავის დროზე ასრულებისა და მძრალად მოხენის ხარისხისათვის (ღრმა ხნული, ბელტვის კარგად გადაბრუნება, ხარვეზების აცილება და სხვა მისთ).

26. სამხრეთ-ოსეთის ავტ. ოლქის ცენტრალურმა აღმასრულებელმა კომიტეტმა და სარაიონო აღმასრულებელმა კომიტეტებმა უნდა მიიღონ ანგარიში კოლმეურნეობათა ხელთქონებული ნიადაგ-დამმუშავებელი, მარცვალსაწმენდი და სათესი ინვენტარი და მისი ადგომარეობა და უნდა მოაწყონ დაუყოვნებლივ მისი რემონტი.

27. სარწყავ ნაკვეთებზე საშემოდგომო კულტურების დათესისთანავე ცილებლად ჩატარებულ იქნას მორწყვა.

28. ჩატარებულ იქნას მიმდინარე წლის შემოდგომაზე ხელით მარგვლა საშემოდგომო მარცვლეული კულტურების ფესვგადგმის შემდეგ მთლად სარეველამოდებულ ფართობზე მისგან ნათესის სავსებით განთავისუფლებამდე.

29. სამხრეთ-ოსეთის ავტ. ოლქის ცენტრალურმა აღმასრულებელმა კომიტეტმა და სარაიონო აღმასრულებელმა კომიტეტებმა უნდა დაამთავრონ არა უგვიანეს სექტემბრის 1-ისა საშემოდგომო თესვის სავგემო დავალებათა მიწვდენა საბჭოთა მეურნეობებამდე, კოლმეურნეობებამდე და ერთპიროვნულ მეურნეობებამდე.

საქ. სსრ ს.კ.ს-ის თავმჯდომარე გ. მგალოზლიშვილი.

საქ. კ. პ. (ბ) ც.კ.-ის მდივანი ლ. ბერია.

1936 წ. აგვისტოს 23, № 1109.

ტფილისი.

გამოქვეყნებულია გაზ. „კომუნისტის“ 213 №-ში 1936 წ. სექტემბრის 19.

134. დადგენილება ს.კ.ს.

ტფილისის საქალაქო საბჭოს შუამდგომლობის გამო მის გამგებლობაში ბეთანიის სატყეო აგარაკის გადაცემის შესახებ.

საქართველოს სსრ სახალხო კომისართა საბჭო ადგენს;

1. აღინიშნოს, რომ ბეთანიის სატყეო აგარაკი დღემდე საქართველოს სსრ არც ერთი სატყეო მეურნეობის სისტემაში (სახელმწიფო, საკურორტო ან ადგილობრივი მნიშვნელობის ტყეების წედგენილობა) არ შესულა.

2. ბეთანიის სატყეო აგარაკი შეტანოს იქნას ტფილისის საქალაქო საბჭოს სამთო-სასანიტარო დაცვის ზონაში და ამ აგარაკზე გავრცელებულ იქნას საკურორტო მნიშვნელობის ტყეების რეჟიმი.

3. აღნიშნული სატყეო აგარაკი დატოვებულ იქნას საქართველოს სსრ პროფესიონალურ კავშირთა საბჭოს ბეთანიის დასვენების სახლის სარგებლობაში და მისი ექსპლოატაციის კონტროლი დაეკისროს ტფილისის საქალაქო საბჭოს საკურორტო სამმართველოს.

საქ. სსრ ს.კ.ს-ის საბჭოს თავმჯდომარე გ. მგალოზლიშვილი.

საქ. სსრ ს.კ.ს-ის საქმეთა მმართველის მოადგ. ს. მებუჟე.

1936 წ. აგვისტოს 9, № 947.

ტფილისი.

135. დადგინება ს.კ.ს.

მევენახეთა და მეღვინეთა საწარმო-კოოპერაციული კავშირის „უნიონის“ ლიკვიდაციის შესახებ.

საქართველოს სსრ სახალხო კომისართა საბჭო აღნიშნავს, რომ ლუქსემბურგის რაიონის მოსახლეობის გერმანელთა ნაწილის საგლეხო მეურნეობების კოლექტივიზაციის განვითარებასა და განმტკიცებასთან დაკავშირებით, მევენახეთა და მეღვინეთა საწარმო-კოოპერაციული კავშირის „უნიონის“ შემდგომი არსებობა კარგავს თავის პირვანდელ მნიშვნელობას. ამის გარდა, ამგვარი ტიპის საწარმოო შენაერთთა ორგანიზაცია გათვალისწინებული არ არის მოქმედი კანონმდებლობით, რის გამოც კავშირი „უნიონი“, სასოფლო-სამეურნეო კოოპერაციის ლიკვიდაციის შემდეგ, იმყოფება სახალხო მეურნეობის განსაზოგადოებული სექტორის არსებულ სისტემათა გარეშე, რაც არ უზრუნველყოფს სათანადო ხელმძღვანელობისა და კონტროლის გაწევას მისი მუშაობისათვის.

საქართველოს სსრ სახალხო კომისართა საბჭო ადგენს:

1. დადასტურებულ იქნას ლუქსემბურგის რაიონის სარაიონო ორგანოების გადაწყვეტილება მევენახეთა და მეღვინეთა საწარმო-კოოპერაციული კავშირის „უნიონის“ ლიკვიდაციის შესახებ.

2. „უნიონ“-კავშირის ლიკვიდაცია ჩატარებულ იქნას იმ წესების მიხედვით, რაც გათვალისწინებულია დებულებით „კოოპერაციული ორგანიზაციების ლიკვიდაციის, შეერთებისა და გაყოფის გამო მათი მოსპობის წესის შესახებ“ (სსრკ კან. კრ. 1927 წ. 37 №-ი, მუხ. 371), და მთლად ეს მუშაობა დამთავრებულ იქნას 1936 წ. ოქტომბრის 1-მდე.

3. „უნიონ“-კავშირის კუთვნილი საწარმოო წამოწყებანი და აგრეთვე მისი ფუნქციები ლუქსემბურგის რაიონში ღვინის და ყურძნის დამზადებისა გადაეცეს „სამტრესტს“ შემდეგ პირობებზე:

ა) ძირითადი სახსარი (შენობები, ნაგებობანი, გაწყობილობა, სტაციონარული ტარა და სხვა მისთ.) გადაეცეს უსასყიდლოდ მისი საბალანსო ლირებულების ჩამოწერით „უნიონ“-კავშირის სალიკვიდაციო ბალანსიდან „სამტრესტის“ ბალანსზე;

ბ) „უნიონ“-კავშირის ქარხნებსა, საწყობებსა, განყოფილებებსა და მაღაზიებში ქონებული სასაქონლო-მატერიალური ფასეულობანი (დებიტორების გარდა) გადაეცეს მათი ლირებულების მიხედვით სასყიდლოდ „სამტრესტზე“ გაფორმებულ ვალდებულებათა გადატანით—ისე, რომ ეს ვალდებულებანი შეესაბამებოდეს ფასის მხრით გადასაცემ აქტივებს (პირველ რიგში გადასახადთა ნარჩენებზე);

გ) 1936 წელს ლუქსემბურგის რაიონში ღვინისა და ყურძნის კონტრაქტაცია დაეკისროს „სამტრესტს“.

4. „უნიონ“-კავშირის მიერ დაუმთავრებელი მშენებლობის ობიექტები (ელექტროსადგური და წყალსადენი) გადაეცეს კიროვის სახელობის კოლექტიურ

მეურნეობას იმ სახსრითურთ, რაც გადადებულია 1936 წელს ამ მშენებლობისათვის 1935 წლის მოგებიდან „უნიონ“-კავშირის საწარმოო საფინანსო გეგმით, საერთო კრების გადაწყვეტილების თანახმად.

დაევალოს ლუქსემბურგის სარაიონო აღმასრულებელ კომიტეტს უზრუნველყოს ამ საშენებლო სამშენებლო პროგრამის ასრულება.

5. ცნობილ იქნას, რომ საქართველოს სსრ ფინანსთა სახალხო კომისარიატის მიერ „უნიონისაგან“ „სამტრესტისათვის“ გადასაცემი სასაქონლო-მატერიალურ ფასეულობათა ღირებულების განსაზღვრა 8.064,2 ათას მანეთის საერთო თანხად სწორება.

აქედან: ღვინო პროდუქციისა	6.550,5 ათას მან.
სპირტ-არაყის მასალისა	980,1 „ „
მატერიალურ ფასეულობათა	355,8 „ „
ტფილისის განყოფილების სასაქონლო- მატერიალურ ფასეულობათა	177,8 „ „

6. საშემოსავლო გადასახადის ნარჩენის რაოდენობა 1934 და 1935 წლებისათვის დამტკიცებულ იქნას 6.430 ათასი მან. თანხით; აქედან: ბრუნვის გადასახადისა—457,0 ათასი მან. და საშემოსავლო გადასახადისა—5.973 ათასი მან.

7. ყოფ. „უნიონისაგან“ გადასაცემი ღვინო-პროდუქციის შესანახი და სარეალიზაციო სავაჭრო-საოპერაციო ხარჯები განისაზღვროს სამტრესტისათვის 1.490,2 ათასი მან. რაოდენობით და ლუქსემბურგის ღვინის ქარხნის ბუტების მშენებლობის დასამთავრებლად 112 ათასი მან. რაოდენობით, სულ-კი 1.602,2 ათასი მან.

ვინაიდან ბუტების მშენებლობას „უნიონ“-კავშირი ანხორციელებდა სსრ კავშირის სახალხო კომისართა საბჭოს 1935 წ. სექტემბრის 19-ის დადგენილების თანახმად, კაპიტალური მშენებლობის გეგმის გარეშე, ნება დაერთოს „სამტრესტს“ დაამთავროს ეს მშენებლობა იმავე წესით.

8. დაეკისროს „სამტრესტს“ „უნიონის“ ვალდებულებანი 6.430,0 ათასი მან. თანხით, რაც უდრის მიღებულ აქტივს, ზნეარში კაპიტალდაბანდებაზე მიქცეულ ხარჯთა მიღებით.

აღნიშნულ ვალდებულებაში ჩართულ იქნას ყოფ. „უნიონის“ გადასახადის ნარჩენი 6.430,0 ათასი მან. რაოდენობით და 32 ათასი მან., დანიშნული სალიკვიდაციო კომისიისათვის „უნიონის“ სხვა კრედიტორების დასაკმაყოფილებლად.

9. „სამტრესტის“ მიერ ფინანსთა სახალხო კომისარიატისათვის დავალიანების დასაფარავად დადგენილ იქნას შემდეგი ვადები:

ა) 5.000 ათასი მან. დაიფაროს 1936 წ. დეკ. 1-მდე შემდეგ ვადებზე: -	
1936 წ. სექტემბრის 1-ს	10% საერთო თანხისა;
„ „ 15-ს	15% „ „

საქართველოს
საბჭოთაო
საგარეო
აღმსრებელი
კომისია

1936 წ. ოქტომბრის	1-ს	15%	საერთო თანხისა;
„	15-ს	20%	„
„ ნოემბრის	1-ს	15%	„
„	15-ს	15%	„
„ დეკემბრის	1-ს	10%	„

ბ) დარჩენილი თანხა—1.430 ათასი მან. დაიფაროს თანაბარ ნაწილებად 1937 წ. პირველ ნახევარწელს.

10. ნება დაერთოს სალიკვიდაციო კომისიას—ყოფ. „უნიონის“ სადებიტორო ანგარიშების მიხედვით მოსალოდნელი შემოსავლიდან 1.321,6 ათასი მან. რაოდენობით გადაიხადოს:

ა) სამუშაო ხელფასის დავალიანება	58,0	ათასი მან.
ბ) ტვირთის გადაზიდვებისათვის დავალიანება	28,0	„
გ) კონტრაქტანტებისათვის დავალიანება	73,4	„
დ) სალიკვიდაციო კომისიის შენახვისათვის	40,0	„
ე) სანერგის შესანახად	160,0	„
ვ) სას.-სამ. ტექნიკუმის მშენებლობის დასამთავრებ.	150,0	„
ზ) ელექტროქსელის მშენებლობის დასამთავრებლად	162,0	„
თ) წყალსადენის მშენებლობისათვის	568,0	„
ი) „საქსოფლპროექტისა“ და სხვ.	82,2	„

სულ 1321,2 ათასი მან.

საქ. სსრ ს.კ.ს-ის თავმჯდომარე გ. შვალაშვილი.

საქ. სსრ ს.კ.ს-ის საქმეთა მმართველი ვ. კვიციანი.

1936 წ. აგვისტოს 9. № 935.

ტფილისი.

შ ი ნ ა ნ ს ე ბ ი

136. დადგენილება ს.კ.ს

საქართველოს სსრ საკურორტო ადგილებში პასპორტების ჩაწერისათვის ერთიანი სახელმწიფო ბაუზის გადახდევინების წესის შესახებ.

„საჩასაწერო და საკურორტო გამოსაღებთა შესახებ“ გამოცემული, სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1936 წ. მაისის 7-ის თარიღისა და 56/828 №-ის დადგენილების შესაბამისად (სსრკ კან. კრ. 1936 წ. 24 №-ი მუხ. 22¹), საქართველოს სსრ სახალხო კომისართა საბჭო ადგენს:

პასპორტების ჩაწერისათვის ერთიანი სახელმწიფო ბაჟი გადაჰხდეს.

ა) იმ პირობით, რომელნიც სამკურნალო სეზონის განმავლობაში სამკურნალოდ ან დასასვენებლად მივლენ საკურორტო ადგილებში: სოხუმში და გაგრაში,—6 მან. თითოს;

ბ) იმ პირობით, რომელნიც სამკურნალო სეზონის განმავლობაში სამკურნალოდ ან დასასვენებლად მივლენ შემდეგ საკურორტო ადგილებში: 1) აბასთუმანში, 2) ურაველში (ახალციხის რაიონი), 3) ბორჯომში, 4) წალვერში, 5) დიდ-ცემში (ბორჯომის რაიონი), 6) ტბაში (ბორჯომის რაიონი), 7) ბაკურიანში, 8) ციხისჯვარში, 9) ახალდაბაში, 10) სურამში, 11) ქვიშეთში (ხაშურის რაიონი), 12) კოჯორში, 13) კიკეთში, 14) წყნეთში, 15) მანგლისში, 16) აღბულახში, 17) ახტალაში, 18) ზინობიანში (ყვარლის რაიონი), 19) ფშავლის-აბანოში (თელავის რაიონი), 20) ჩარგალში (ღუშეთის რაიონი), 21) ნუნისში (ორჯონიკიძის რაიონი), 22) წყალტუბოში, 23) ზეკარში (ბაღდადის რაიონი), 24) საირმეში, 25) დვალისფილებში, 26) ხრესილში, 27) უწერაში, 28) შამშოვში, 29) მუაშში (ქვემო-სვანეთის რაიონი), 30) ბახმაროში, 31) ნაბელავში (ჩოხატაურის რაიონი), 32) ნაქალაქევში (ცხაკაიას რაიონი), 33) ლებარდევში (მარტვილის რაიონი), 34) ცაიში (ზუგდიდის რაიონი), 35) მენჯაში, 36) გულრიპში (სოხუმის რაიონი), 37) აგუძერში (სოხუმის რაიონი), 38) გუდაუთში, 39) ფსირცხაში (ყოფ. ახალი-ათონი—გუდაუთის რაიონი), 40) ერმოლოვის სამკურნალო-სასანიტარო კომბინატი (გაგრის რაიონი), 41) ქობულეთში, 42) ციხის-ძირში, 43) მწვანე კონცხში, 44) მახინჯაურში, 45) ბათომში, 46) ძაუში (ჯავა), 47) ედისში (სამხრეთ-ოსეთის აო), 48) ლესეში (სამხრეთ-ოსეთის აო),—4 მან. თითოს;

გ) დანარჩენ შემთხვევებში—1 მან. თითოს.

საქ. სსრ ს.კ.ს-ოს თავმჯდომარე გ. მგალობლიშვილი.

საქ. სსრ ს. კ. ს-ოს საქმეთა მმართველი ვ. კვირიკაძე.

1936 წ. ივნისის 29. № 752.

ტფილისი.

ა თ ლ ე ბ ა

137. დადგენილება ს. კ. ს.

საქართველოს სსრ სახალხო კომისართა საბჭოსთან არსებული, ხელოვნების საქმეთა სამმართველოს გამგებლობაში მოზარდი მაცურებლის თეატრებისა და სხვა საბავშვო თეატრების გადაცემის შესახებ.

საქართველოს სსრ სახალხო კომისართა სეპკო ადგენს:

1. გადაიცეს საქართველოს სსრ სახალხო კომისართა საბჭოსთან არსებული ხელოვნების საქმეთა სამმართველოს გამგებლობაში მოზარდი მაცურებლის

თეატრები და სხვა საბავშვო თეატრები, რომლებიც საქართველოს სსრ-ის სახალხო კომისარიატისა და მის ადგილობრივ განყოფილებათა გამგებლობაშია.

2. აღნიშნული თეატრები გადაიცეს მთელი ქონებით, ინვენტარით და სადგომებით და შენარჩუნებულ იქნას 1936 წლისთვის მოზარდი მაყურებლის თეატრების ადგილობრივი ბიუჯეტიდან დაფინანსებისათვის არსებული წესი.

აღნიშნული თეატრების ფინანსებისათვის ხელმძღვანელობისა და ამ ფინანსების ხარჯვისათვის კონტროლის გაწვევა დაეკისროს საქართველოს სსრ სახალხო კომისართა საბჭოსთან არსებულ, ხელოვნების საქმეთა სამმართველოს.

საქ. სსრ ს.კ.ს-ის თავმჯდომარე გ. მგალობლიშვილი.

საქ. სსრ ს.კ.ს-ის საქმეთა მმართველი გ. კვირიკაძე.

1936 წ. აგვისტოს 14. № 980.

ტფილისი.

ჯანმრთელობის დაცვა

138. დადგენილება ს.კ.ს.

საქართველოს სსრ-ში სააფთიაქო საქმის მმართველობის რეორგანიზაციის შესახებ.

სააფთიაქო ქსელის ხელმძღვანელობის გაუმჯობესებისა, მედიკამენტების ვაჭრობის გაუმჯობესებისა და ტექნიკური ბაზის, სახსარისა, და კადრების უკეთესად გამოყენების მიზნით საქართველოს სსრ სახალხო კომისართა საბჭო ადგენს:

1. საქართველოს სსრ ჯანმრთელობის სახალხო კომისარიატის რესპუბლიკანური სააფთიაქო სამმართველო რეორგანიზებულ იქნას საქართველოს სსრ ჯანმრთელობის სახალხო კომისარიატის მთავარ სააფთიაქო სამმართველოდ.

2. ავტონომიური რესპუბლიკებისა და ავტონომიური ოლქის ჯანმრთელობის ცენტრალური ორგანოებისა და ტფილისის საქალაქო საბჭოს ჯანმრთელობის განყოფილების სააფთიაქო სამმართველოები რეორგანიზებულ იქნან საქართველოს სსრ ჯანმრთელობის სახალხო კომისარიატის მთავარი სააფთიაქო სამმართველოს სამეურნეო-გარეო-საინჟინერო განყოფილებებად, რომელნიც უშუალოდ ექვემდებარებიან ამ სამმართველოს; ამასთანავე, აღნიშნული განყოფილებანი 1936 წ. იანვრის 1-დან შეიტანებიან მთავარი სააფთიაქო სამმართველოს ერთიან ბალანსში მიმდინარე წლის შემდგომი ცვლილებებით.

3. დაწესებულ იქნას, რომ მთავარი სააფთიაქო სამმართველოს უფროსნი იქნან საქართველოს სსრ ჯანმრთელობის სახალხო კომისარი; მთავარ სააფ-

თიანეთის სამმართველოს განყოფილებათა მმართველებს ნიშნავს მთავარი სამმართველოს უფროსი სათანადო ავტონომიური რესპუბლიკებისა და ავტონომიური ოლქის ჯანმრთელობის ცენტრალურ ორგანოებთან და საქალაქო და სარაიონო ჯანმრთელობის განყოფილებებთან შეთანხმებით.

4. დაეკისროს ავტონომიური რესპუბლიკებისა და ავტონომიური ოლქის ჯანმრთელობის ცენტრალურ ორგანოებს და საქალაქო და სარაიონო ჯანმრთელობის განყოფილებებს — კონტროლი და მეთვალყურეობა გაუწიონ აფთიაქების მიერ მათთვის დადგენილი წესების ასრულებას და შეიმუშაონ სამკურნალო-საპროფილაქტიკო დაწესებულებათა ქსელისათვის განაცხადები სამედიცინო საქონელზე.

5. წინადადება მიეცეს საქართველოს სსრ ჯანმრთელობის სახალხო კომისარიატს:

ა) დაამტკიცოს ერთი დეკადის ვადაზე, საქართველოს სსრ ფინანსთა სახალხო კომისარიატთან შეთანხმებით, მთავარი სააფთიაქო სამმართველოს სტრუქტურა, შტატები და წესდება და საქართველოს სსრ-ში სააფთიაქო საქმის რეორგანიზაცია დაამთავროს 1936 წ. სექტემბრის 1-თვის;

ბ) გადასინჯოს ერთი თვის ვადაზე და წარმოუდგინოს საქართველოს სსრ სახალხო კომისარიატს დასამტკიცებლად რესპუბლიკაში არსებული სააფთიაქო ქსელის დისლოკაცია, იმ ვარაუდით, რომ ეს ქსელი გაფართოებულ იქნას ჩამორჩენილ რაიონებში;

გ) იხმაროს სასწრაფო ღონისძიებანი აფთიაქების საქირო, გადაუდებელი რემონტისათვის, აფთიაქებში სათანადო სანიტარული მდგომარეობის შექმნისათვის და ყველა აფთიაქში მტკიცე სანიტარული რეჟიმის დამყარებისათვის;

დ) განსაზღვროს ერთი დეკადის ვადაზე აფთიაქისათვის საქირო ტიპური გაწყობილობა და ინვენტარი და იხმაროს ღონისძიებანი აფთიაქების უზრუნველსაყოფად მინიმუმი გაწყობილობით ოქტომბრის 1-მდე;

ე) შეიმუშაოს ერთი დეკადის ვადაზე აფთიაქებისა, სამკურნალო პუნქტებისა და სანაპირების მალაზიებისათვის მედიკამენტების ტიპური მტკიცე საასორტიმენტო მინიმუმი და დააწესოს აფთიაქების, სამკურნალო პუნქტების და მალაზიების გამგეებისა, აგრეთვე მთავარი სააფთიაქო სამმართველოს განყოფილებათა მმართველობის პასუხისმგებლობა საასორტიმენტო მინიმუმის ასრულებისათვის;

ვ) იხმაროს ღონისძიებანი საიმპორტო და დეფიციტიანი მედიკამენტების სანაცვლო საბჭოთა წარმოების მედიკამენტების მაქსიმალურად გავრცელებისათვის;

ზ) დააწესოს კონტროლი წამლების დამზადებისა და გაცემისათვის 1936 წლის ბოლომდე მთავარი სააფთიაქო სამმართველოს ყველა სარაიონთაშორისო განყოფილებაში საკონტროლო სალაბორატორიო ხელსაწყოთა მოწყობით;

გაითვალისწინოს 1937 წლისათვის სარაიონო აფთიაქებთან საკონტროლო ლაბორატორიების მოწყობა;

თ) გამოსცეს ინსტრუქცია წამლების შეფუთვის ხარისხის გაუმჯობესებისა და გაცემის წინ კულტურულად გაფორმების შესახებ და აკრძალოს წამლების შეხვევა უკვე ნახმარ ქაღალდში;

ი) უზრუნველყოს აფთიაქები დამხმარე საგნების, საცნობარო ლიტერატურისა და ცხრილების მინიმუმით;

კ) ჩაატაროს 1936 წლის ბოლომდე აფთიაქის ყველა მომუშავეს კვალიფიკაციის და საწარმოო ატესტაციის შემოწმება;

ლ) გადასინჯოს მთავარი ს. აფთიაქო სამმართველოს განყოფილებათა მმართველებისა და აფთიაქების გამგეების შედგენილობა და დატოვოს ამ თანამდებობებზე საკმაოდ კვალიფიციური პირნი, რომელნიც უზრუნველყოფენ აფთიაქის სამეურნეო და ტექნიკურ ხელმძღვანელობას;

მ) გააუმჯობესოს სასწავლო საქმისა და საწარმოო პრაქტიკის დაყენება ფარმაცევტულ ტექნიკურში და მოაწყოს აფთიაქის მომუშავეთა გარდასამზადებელი კურსები.

6. მიენდოს საქართველოს სსრ სახელმწიფო საგეგმო კომისიას:

ა) გაითვალისწინოს 1937 წლის საკონტროლო ციფრებში საჭირო ასიგნებები სააფთიაქო ქსელის გაფართოებისა და განმტკიცებისათვის მთავარი სააფთიაქო სამმართველოს დანაგროვთა ხარჯზე;

ბ) გამოუყოს საქართველოს სსრ ჯანმრთელობის სახალხო კომისარიატს აფთიაქების დანაკლი გაწყობილობის დამზადებისათვის საჭირო მასალების ფონდი;

გ) გამოუყოს საქართველოს სსრ ჯანმრთელობის სახალხო კომისარიატს ქაღალდის, მუყაოს და კორპის საჭირო ფონდი წამლების გაცემის კულტურულად გაფორმებისათვის;

დ) შეინუშაოს და წარმოუდგინოს დასამტკიცებლად საქართველოს სსრ სახალხო კომისართა საბჭოს ერთი თვის ვადაზე მთავარი სააფთიაქო სამმართველოს წამლების შესანახად და გასაცემად საჭირო შუშეული ჭურჭლის დაკვეთათა საქართველოს სსრ-ში არსებულ მინის ქარხნებს შორის განაწილების გეგმა.

7. წინადადება მიეცეს საქართველოს სსრ ადგილობრივი მრეწველობის სახალხო კომისარიატს—მოაწყოს ადგილობრივი მრეწველობისა და სარეწაო კოოპერაციის წამოწყებებში ტიპური სააფთიაქო განწყობილობის დამზადება და გაფართოოს სანჰიგიენისა და ავადმყოფთა მოსავლელად საჭირო საგნების წარმოება.

8. მიენდოს საქალაქო საბჭოებს და სარაიონო აღმასრულებელ კომიტეტებს—იხმარონ ღონისძიებანი აფთიაქებს მუშაობის პირობების გაუმჯობესებისათვის, (სადგომთა მიჩენა, სარემონტო მასალის მიცემა, აფთიაქის მომუშავეთა ბინებით უზრუნველყოფა და სხვა მისთ.).

9. ეთხოვოს სსრ კავშირის სახალხო კომისართა საბჭოს გაადიდოს საქართველოს სსრ-თვის იმ მედიკამენტების ფონდები, რომელთა დიდ ნაკლებობასაც

განიცდის რესპუბლიკა, კერძოდ, კოკაინისა, გვაიკოლის პრეპარატებისა, ზენ-
 ზონაფტოლისა, ბისმუტის მარილებისა, ტანალბინისა, ოპიუმის და მისი პრე-
 პარატებისა, იპეაკუანის ფესვისა, კაკაოს ზეთისა, ეიქინინისა, რბილი მარლი-
 სა და სხვ. ფონდები.

საქ. სსრ ს. კ. ს-ოს თავმჯდომარე გ. მგალობლიშვილი.

საქ. სსრ ს. კ. ს-ოს საქმეთა მმართველი ვ. კვირიკაძე.

1936 წ. აგვისტოს 13. № 978.

ტფილისი.

სასამართლო წყობილება და სასამართლოს წარმოება

139. დადგენილება ც.ა.კ. და ს.კ.ს.

საქართველოს სსრ-ის იუსტიციის სახალხო კომისარიატის სისტემიდან საპრო-
 კურორო და საგამომძიებლო ორგანოების გამოყოფის შესახებ.

სრულიად საქართველოს ცენტრალური აღმასრულებელი კომიტეტი და
 საქართველოს სსრ-ის სახალხო კომისართა საბჭო აღგენენ:

სსრ კავშირის ცენტრალური აღმასრულებელი კომიტეტის და სახალხო
 კომისართა საბჭოს 1936 წლ. ივლისის 20-ის დადგენილების შესაბამისად, გა-
 მოიყოს საქართველოს სსრ-ის იუსტიციის სახალხო კომისარიატიდან საპროკუ-
 რორო და საგამომძიებლო ორგანოები მათი სსრ კავშირის პროკურორისადმი
 უშუალო დაქვემდებარებით.

სრ. საქ. ც.ა.კ-ის თავმჯდომარე ფ. მახარაძე.

საქ. სსრ. ს.კ.ს-ოს თავმჯდომარე გ. მგალობლიშვილი.

სრ. საქ. ც.ა.კ-ის მდივანი თ. ულენტი.

1936 წ. აგვისტოს 9 № 161.

ტფილისი.

გამოქვეყნებულია გაზ. „კომუნისტის“ 187 №-ში 1936 წ. აგვისტოს 14.

140. დადგენილება ს.კ.ს.

იმ დოკუმენტების ნუსხის დამატების შესახებ, რომელებითაც გადახდევინება
 წარმოებს სასოტარო ორგანოების სააღსრულებო წარწერების თანახმად.

საქართველოს სსრ სახალხო კომისართა საბჭო აღგენს:

დამატოს „ა“ კარს საქართველოს სსრ სახალხო კომისართა საბჭოს
 1932 წ. მაისის 23-ის დადგენილებისას „იმ დოკუმენტების შესახებ, რომლები-
 თაც გადახდევინება წარმოებს სასოტარო ორგანოების სააღსრულებო წარწე-

რების თანახმად (საქ. სსრ კან. კრ. 1932 წ. მე-15 №-ი, მუხ. 126; 21 №-ი, მუხ. 208; 24 №-ი, მუხ. 256; 1933 წ. 1-ლი №-ი, მუხ. 26; 1934 წ. 1-ლი №-რი, მუხ. 35; მე-14 №-ი, მუხ. 138; 25 №-ი, მუხ. 199; 33 №-ი, მუხ. 254; 1935 წ. მე-5 №-ი, მუხ. 32; 32 №-ი, მუხ. 208 და 207; 1936 წ. მე-7 №-ი, მუხ. 52; მე-12 №-ი, მუხ. 76), 37 პუნქტი შემდეგი შინაარსისა:

[სანოტარო კონტორები და მათი მონაცვლე ორგანოები (სახელმწიფო ნოტორიატის დებულების 1-ლი მუხლი—საქ. სსრ კან. კრ. 1928 წ. მე-16 №-ი, მუხ. 157) გაუქმებენ სააღსრულებო წარწერებს შემდეგ დოკუმენტებს:

ა. ფულის გადასახდევინებლად: . . .]

„37) იმ ანგარიშებს, რომლებითაც საბინაო-საიჯარო ამხანაგობათა არასაცხოვრებელი სადგომების მოიჯარადრეებმა უნდა გადაუხადონ ამხანაგობათ ამ უკანასკნელთა მიერ შენობის მმართველობასა, ექსპლოატაციასა და რემონტზე გაწეული ხარჯების ასანაზღაურებლად სასყიდელი, რაც შეტანილი არ არის და ვადავადაცილებულია (საქ. სსრ კან. კრ. 1935 წ. № 14, მუხ. 76), უკეთუ ამა-სთანვე წარდგენილი იქნება: 1) ასლი სახლმფლობელობის მიერ მოიჯარადრესთან არასაცხოვრებელ სადგომზე დადებული ხელშეკრულებისა—სახლის სამეურნეო ხარჯებში მონაწილეობის შესახებ; 2) ხვედრი გადასახდელის ანგარიში მოიჯარის ხელწერილით, რომ ანგარიში მას წარედგინა, ან სახლმფლობელობის აღნიშვნით, რომ მოიჯარემ უარი განაცხადა ასეთი ხელწერილის მიცემაზე“.

საქ. სსრ ს.კ.ს-ოს თავმჯდომარე გ. მალოზლიშვილი.

საქ. სსრ ს.კ.ს-ოს საქმეთა მმართველი გ. კვირიკაძე.

1936 წ. აგვისტოს 22. № 1029.
ტფილისი.

ფახი 40 კაპ.

გამომცემელი	საქ. სსრ ს. კ. ს-ის საქმ. მმართველობა	1936 წ. № 45. პ/მ. რედაქტორი მ. ზამრიაკელი
ქალაქის ფორმატი	62x94 სმ.; 1 ¹ / ₂ ბეჭდვ. ფურც.; 1 ბეჭდვ. ფურც.	48.500 სტაბ. ნიშანი
გადაცვა	სტამბას 20/IX;	ხელმოწერილია დასაბეჭდად 17/IX; ტირაჟი 1.900
თვლ. რწმ. № 87072.	საქ. სახ. კომ. საბჭოს საქმ. მმართვე.	სტამბა, ტფილისი. № 888.